

C O P I A
Decreti & Mandati

AMPLISS. MAGISTRATVS ANTVERP.

Quia per certum decretum D D. Consulium ac Senatorum huius Urbis Antuerpiensis, spectans ad Collegium Medicum, & quod ab eo dependet, 6. Iunii Anno 1659. euulgatum, inter alia statutum erat, quod Apothecarij in concipiendis suis medicamentis modum à Valerio Cordo præscriptum sequerentur, & hoc donec prædicto Collegio Medico aliter visum foret, ideo prænominati Domini Consules & Senatores, vt melius huic rei, prouiderent, ad instantiam D. GREGORII MARTENS ex Consulis, nunc huius Urbis Scabini, & Præfecti eiusdem Collegij, ordinauerunt, & mandant per hæc presentia Medicis huius Ciuitatis Iuratis, alijsque de facto eiusdem Collegij Medici Officialibus, vt talium aliarum personarum interuentione, vt ipsi consultum inuenient, concipiant nouum quoddam Dispensatorium, in quo contenta, & præscripta erunt omnia medicamenta, incolis & ciuibus huius Urbis magis necessaria & utilia, vnà cum iusto valore, & pretio, quo eadem diuendi deberent. Actum in Collegio 27. Septemb. Anno 1660.

Subsignatum erat :

Vt: I. SNYERS.

& infra

C. GEVARTZ.